

Nunamit nunamut nalunaarusiortarneq pillugu Namminersorlutik Oqartussat nalunaarutaat

Aningaasarsianit akileraarutit pillugit Inatsisartut inatsisaat nr. 12, 2. november 2016-imeersumi, Inatsisartut inatsisaatigut nr. 22, 28. november 2018-ikkut allanngortinneqartumi § 36 b, imm. 12 naapertorlugu aalajangersarneqarpoq:

Nunamit nunamut nalunaaruteqarnissamut pisussaaffik pillugu ilisimatitsissut

§ 1. Ilisimatitsissut, aningaasarsianit akileraarutit pillugit Inatsisartut inatsisaanni § 36 b, imm. 10 naapertorlugu ilisimatitsissutigineqartussaq, paasissutissanik tulluuttunik imaqassaaq:

1) Ingerlatseqatigiiffiup qullersaqarfippiaa Kalaallit Nunaanni angerlarsimaffeqarpat: Suliffeqarfissuaq, nunamit nunamut nalunaarummik tunniussisoq pillugu paasissutissat, kinaassutsimut paasissutissat nalunaarutiginerisigut.

2) Ingerlatseqatigiiffiup qullersaqarfippiaa Kalaallit Nunaanni angerlarsimaffeqanngippat: Suliffeqarfissuaq sorleq, nunamit nunamut nalunaarummik tunniussinissamut pisussaaitaanersaq pillugu paasissutissat, kinaassutsimut paasissutissat nalunaarutiginerisigut, kiisalu ingerlatseqatigiiffiup sumi akileraartusnaanera nalunaarutigineratigut.

Imm. 2. Imm. 1 naapertorlugu kinaassutsimut paasissutissanut ilaassapput ateq tamakkiisoq, najugaq, nuna akileraartarfik, suliffeqarfup normua (cvr-nr.) imaluunniit inuussutissarsiummik ingerlatsisutut stamnormu (SE-nr.). Suliffeqarfissuaq nunami allameersaq pineqarpat, nunami akileraartarfimmi akileraartarnermut uppersarsaatip normua (TIN-nr.) ilaatigut paasissutissiissutigineqassaaq.

Imm. 3. Aningaasarsianit akileraarutit pillugit Inatsisartut inatsisaanni § 36 b, imm. 10 naapertorlugu ilisimatitsissut kalaallisut, qallunaatut imaluunniit tuluttut pisinnaavoq.

§ 2. §§ 1 aamma 3 naapertorlugit ilisimatitsissut Akileraartarnermut ingerlatsiviup innersuussineratigut digitalikkut pissaaq. Ilisimatitsissut ukiup aningaasarsiaqarfiusup, nunamit nunamut nalunaarutip tunniunneqarfiata naanerani kingusinnerpaamik tunniunneqassaaq.

§ 3. Akileraartarnermut ingerlatsivimmut ilisimatitsisoqassaaq, pisunik nunamit nunamut nalunaarutiginninnermik tunniussinissamut pisussaaffiup atorunnaarneranut sunnuteqartunik pisoqarpat.

Nunamit nunamut nalunaarummik nalunaarutiginninneq

§ 4. Nunamit nunamut nalunaarummik nalunaarutiginninneq paasissutissanik tabel 1-imiittunik, tak. ilanngussaq 1, imaluunniit tuluttoortaanit OECD's Guidance on Transfer Pricing Documentation and Country-by-Country Reporting-imi annex III-mit kapitali V-mut Akileraartarnermut ingerlatsivimmut tunniussinikkut pissaaq.

Imm. 2. Tabel 2 suliffeqarfissuup nunani arlalinni immikkoortortallip immikkoortortai tamaasa pillugit, niuernermi sammisanik pingaarnernik, kiisalu akileraartarnikkut sumi angerlarsimaffeqarneranik paasissutissanik imaqassaaq. Aalajangersimasumik ingerlatsiffiit nunap akileraarfusup, inissisimaffiusut ataani inissinneqassapput kiisalu ingerlatseqatigiiffiup ilaaffiata taaguutaa allassimassaaq.

Imm. 3. Tabel 3 tabel 1-imik aamma 2-mik paasinninnissamut paasissutissanik allanik pisariaqartunik imaluunniit siuarsaasunik imaqassaaq.

Imm. 4. Suliffeqarfissuarmi immikkoortortap, aningaasarsianit akileraarutit pillugit Inatsisartut inatsisaanni § 36 b, imm. 7 naapertorlugu nunamit nunamut nalunaarummik suliaqarnissamut pisussaataasup piginneqatigiiffimmut pingaarnerusumut paasissutissanik, pisussaaffiup naammassinissaanut pisariaqartunik tamanik tunniussinissamut qinnutigissavaa. Ingerlatseqatigiiffiup pingaarnerusup paasissutissat pisariaqartut suliffeqarfissuup immikkoortortaanut atugassanngortinnissaanut itigartitsissutigippagu, suliffeqarfissuup immikkoortortaata nunamit nunamut nalunaarummik tunniussisup, paasissutissat pigisani, tigusani imaluunniit pissarsiarisani ilanngutissavai, Akileraartarnermullu ingerlatsivimmut nalunaarutigalugu, ingerlatseqatigiiffiup pingaarnerusup paasissutissat pisariaqartut atorneqarnissaat itigartitsissutigisimagaa.

Imm. 5. Nunamit nunamut nalunaarummik tunniussineq akileraartarnermut ingerlatsiviup innersuussinera malillugu digitalikkut pissaaq.

Atuutilernera

§ 5. Nalunaarut 1. maj 2020-mi atuutilerpoq.

Namminersorlutik Oqartussat ulloq 30. april 2020

Vittus Qujaukitsoq

/

Nikolai S. Christensen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut